



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Sepurgat n. 27.

urn:nbn:de:hbz:466:1-38320

rum discrepantia (*Alano & Personio* Regis Catholici, Pontificis, & Ducis Guisæ fidei rem committendam existimantibus, *Pagetto & Morgano* Regi-
næ suadentibus alia via esse rem gerendam.) Ea quæ inter paucos nata est, in
vniuersam pene gentem est propagata dissensio; alijs *Alano & Personio*, alijs
Pagetto & Morgano adhærentibus; donec anno octogesimo septimo cæsa
Reginâ plurima inuidia adhæsit *Morgano & Socijs*, quod quibusdam circa
Reginam aut non sat fids, aut multum imprudentibus tam fidenter vti fuis-
sent. Sub hæc mittitur *Holtus* Bruxellas: Aduolant *Pagettus & Morganus*:
& quamquam amicè accepti, inhæsit tamen illis semper antiquum dissidi-
um, querebanturque omnia ex *Alani & Personij*, nil suo arbitrio confici.
Accidit vt *Morganus* repertis in conclau sua manu scriptis literis aduersus
Parmensem Ducem, *Alanum*, atque ipsum Regem, dominio Regio pelleretur;
Id Societati in *Holto* tributum à *Morgani* sodalibus (vt ferè cuncta quæ
aduersa huiusmodi hominibus accidunt quæcunque demum sit causa) vt
Holtus etiam pellatur adlaboratur. Sex & triginta Capita Accusationis *Al-*
berto Cardinali Archiduci offeruntur, in quibus *Holtus* famæ, bonis, liberta-
ti, vitæ quorundam iniurius ferebatur, & non sat fids Regi. *Albertus Oliue-*
rio Manaræo rem aperit, iubetque inquirere ab *Holto* quid rei sit, iuncto as-
sessore Ioanne Baptista de Tassis *Alberto* à Consilijs. *Oliuerius* multitudi-
ne capitum attonitus ea tradit *Holto*, "Dolere se dicēs talia accidisse vt quocun-
que modo respondeatur Societas indemnis esse non possit) sensit id vehemē-
ter *Holtus*, & tantum de se inaudito à tanto viro fieri præiudicium indo-
luit: vt autem se recepit, & perlectis accusationibus cuncta euoluisset,
"Dabo, inquit, mi Pater, responsionem non dilucidam modò, sed vti optas
breuem; atque præterea talem vt ex qua neque mihi neque Societati nota ali-
qua, nisi rectitudinis, probitatis, patientiæ, fidei, adhære possit.)

XXV. l. l. Post dies aliquot confedère: Rogat *Holtus* an ad singula ex Sepurgat:
ordine, an ad præcipua aliqua responderi velint? Paratum se esse in vtrumvis.
Non ad singula, inquit Tassis, notans decem capita quæ arbitrabatur eximia;
quæ cum *Holtus* dissoluisset, & virgeret in reliquis audiri, sibi vterque profite-
tur in omnibus factum satis, nec opus esse pluribus: Deprehendisse se in multis
plus partium studio dari quam rationi: Addiditque Baptista Tassis, Rem in eo
versari quòd videretur quibusdam Societas & qui Societatem sequuntur nimis
um potuisse semper apud suam Celsitudinem, & apud omnes retro Belgij Gu-
bernatores: Ea auctoritate vteremur moderatè. "Illà se moderatè vsum (si qua
esset) respondit *Holtus*, & porro vltimum, quantum prudentia probitasque sug-
gereret: Non posse se respondere de omni verbo factiōis suo; Omnes enim in
multis delinquimus: Sed de iniuria, aut contumelia quæ grauis sit, aut de quo-
uis modo dicta oppressione, nullam factam esse, nullam à se faciendam spo-
pondit: Beneuolum fuisse omnibus vtilemque; ijs etiam quos ex obiectis con-
iectura est auctores esse huius accusationis: Id ex illorum communi Procura-

1602.

tore cognosci posse: Posse etiam ex hac ipsa responsione; in qua cum nouen-
nij pene integri quo Bruxellis commoratus sum, rationem coram vobis red-
dens absoluar, testimonium est nihil me graue peccasse, nihil à me profe-
ctum quod scandali notam mereatur; neque enim vtiq; defuit voluntas ob-
ijciendi si quid obijciendum occurrisset. Vt non sint semper aliqui aut inquieti
aut queruli difficulter præstatur; quando non semper ex vniuersiusque voto
res agitur; dissidium tamen inter partes non est tantum quantum quidam cla-
mitant; neque concordia futura est vnquam tanta vt nulla inter Aulam & mi-
litiâ coniectantes sit de honore aut de prælatione contentio. Hæc diuinæ
prouidentia committenda, qui per leuissima quibus sæpe sæpius commouen-
tur homines grauissima moderatur.) Plura dicere parantem æquo animo esse
iubent Baptista Tassis & *Oliuerius*; abundè enim satisfactum in omnibus; quod
cum secundo tertioque asseruissent discessum est, *Oliuero* responsionem scrip-
tam quam *Holius* tenebat manu rapiente, & in ignem (erat enim quarta Aduen-
tus dominica) conijciente. Puduerat enim hominem prudentem & attentum,
hac in re paulo minus fuisse consideratum. Qua etiam de re *Personius* Barci-
none in Italiam nauigans ad illum scripsit in hæc verba.

Personij
ad Oliue-
rium. Man-
uum de
eo literæ.

XXVIII. Nullo modo spero pacis fructum securum apud eos qui Pa-
trem *Holium* amouendum volunt; cum multorum annorum experienciâ,
certissimaque ratione mihi constet istos non hunc vel illum Patrem, sed Socie-
tatem impetere. Romæ inquieti Patrem *Edmundum Harewood* Anglicani
Collegij Confessorem amoueri postulabant, eaque re omnia dicebant fore pa-
cata; sed eo amoto turbulentiora fuere omnia, quia inquieti palam in totam
Societatem insurrexerunt. Et ex sermone summi Pontificis cum Doctore *Bar-
retto* Seminarij Duaceni Rectore intellectum nuper est, istos ipsos qui amo-
tionem Patris *Holti* apud Reuerentiam Vestram ceterosque Patres nostros pa-
cis spe sollicitant, ad Sanctitatem suam scripsisse, non tantum contra Patrem
Holium, sed etiam contra omnes Societatis Patres qui in Anglia versantur. De
Patre *Holto* verò affirmare possum quod suis literis sæpe ac vehementer causam
eorum egit in curia Hispanica qui maximè eum impugnant. Sed hæc Reueren-
tia vestra mirari non debet: In tanta enim causa quanta est Anglicani Regni
conuersio, & in tanta egestate, libertate, & otio hominū exulum & afflictorum,
atq; in tanta astutia Hæreticorum, qui per emissarios has lites fouent, neque est
mirandū si hæc accidunt, neq; hæc virum pium & prudentē auertere debent aut
decipere; satis est vt videat quæ pars ratione, quæ passione ducitur. Isti autē cum
Patres Anglos inter se collidere non possunt, adeunt Patres aliarum nationum,
qui rerum hominumque nostrorum tantam notitiam non habent, hosque vel
clamoribus vel minis, vel argumentis & querelis, aut etiam adulatione indu-
cere conantur, vt vel affectu vel iudicio à nobis discrepent: Putant enim (quod
omnino verum est) nullum tam efficacem patere eis aditum ad nos fatigandos,
quàm si nostros à nobis separent.) Hæc *Personius* prudenter ad *Oliuerium*: qui